

Roboter da Zignau a Friburg


Sievi Lombriser da Zignau separticipescha dalla concorrenza da roboters «Fribot» a Fribourg

DA FLAVIO CANDINAS

■ **Sievi Lombriser da Zignau separticipescha alla concorrenza da roboters «Fribot». Quella ha liug ils 5 da matg all'Universitad da Friburg.** Actualmein frequenta il giuven da 17 onns il gimnasi alla Scuola claustrala a Mustér. En siu temps liber programmescha Sievi Lombriser roboters. Ella concurrenta «Fribot» ston las equipas da quater participonts construir in roboter cun tscheppa da lego e programmar quel cul program da computer Java.

La pli gronda concorrenza da roboters en Svizra

Igl onn 2004 ei l'occurrerza «Fribourg robotics» vegnida menada tras per l'emprema ga. Uss ei «Fribot» la pli gronda concorrenza da programmar roboters da Lego e Mindstorms en Svizra. Igl onn vargau ein dudisch teams separticipai, uonn ei il diember da participonts carschius sin 16. Ils teams da quater persunas survegnan la damaun il pensum da crear in roboter ch'exequescha lavurs definidas. Igl onn 2005 han ils participonts survegniu l'inbumbensa da crear in roboter culla habilitad d'encurir heighels e derscher quels. La finamira ei da terminar quellas lavurs il pli original, il pli spert ed il pli efficient. Cura ch'ils participonts han retschert il pensum entscheivan ils teams a planisar, baghegiar e program-



Sievi Lombriser programmescha roboters e separticipescha l'entschatta matg ad ina concorrenza da programmar roboters alla Universitad da Friburg.

mar ils roboters da lego. Silsuenter ston ils roboters concurrer in encounter l'auter. Da runda tier runda han las gruppas la pussevividad da migliurar las habi-

litads dil roboter per aschia sequalificar per la runda finala.

Alla concorrenza separticipeschan mintgamai teams da differenta derivon-

za. Ils onns vargai han cunzun gimnastiasts, perscrutaders, fans da roboters ed emploiai dil sector d'informatica fatg part.

Emprem participont dil Grischun

Sievi Lombriser da Zignau ei igl emprer Grischun che separticipescha alla concorrenza da roboters a Friburg. Il giuven da 17 onns ei vegnius attents dalla concorrenza entras il schef da pressa da «Fribot» Dominik Zindel. «Cunquei ch'jeu hael buc anflau in team en miu cuntuorn, sundel jeu s'annunziaus persuls», di Sievi Lombriser. Il giuven da Zignau ei daventaus commember dalla gruppa «2007 Legomotion». Il programmader da hobi enconuscha aunc buca ses cum-pogns da gruppa.

Programmar sco hobi

«En scola havein nus gia fatg experientschas culla software Java», ha Sievi Lombriser fatg da saver. El zambregi e programmeschi bugen e savens a casa vid roboters e maschinas. «Jeu hael gia costruiu in roboter da lego mindstorm.» Empru da programmar ils roboters hagi el cun dabia lectura tecnica e cun retschercar sur la reit d'internet. Finamiras concretas per la concorrenza da «Fribot» hagi el buca. «Jeu selegrel da semesirar cun gimnastiasts e specialists da medem interess e gaudel quella avventura all'Universitad da Friburg.» Forsa sappi el era emprer enqual causa. Suenter il gimnasi vul Sievi Lombriser studiegir tecnica electronica alla Scuola politecnica federala a Turitg.

NUA EI QUEI – LEGN DIL MEINS

In lag alpin



(anr/sb) La foto tiel legn dil meins vargau mussava ina part dil vitg Dardin che s'au-da tier la vischnaunca da Breil. Varga 80 cartas havein nus retschert e quasi tuttas

purtavan la dretga risposta aschia che la sort ha decidiu. La fotografia che nus presentein oz a lecturas e lecturs muossa in laghet alpin sin l'altezia da 1614 meters

sur mar. Il lag porta il medem num sco in uclaun dalla vischnaunca nua ch'el schai. Il lag s'au-da denton buc alla vischnaunca nua ch'el sesanfla, mobein ei el possess d'ina claustra ch'ei in ina vischnaunca vischinonta. Malgrad che l'aua ei plitost freida entaup'ins enqualgadas enzatzgi che senoda lien. Culla patenta cantunala da pesca eis ei buca lubiu da pescar en quei laghet. Quei privilegi han mo ils commembers dall'unioni da pescadurs che han priu a tscheins il lag.

Haveis enconuschiu il lag?

Lu scrivi il num sin ina carta postala e tarmet-tei quella entochen gievgia, ils 17 da matg all'adressa: La Quotidiana, la fotografia, 7130 Glion.

Pil legn 2007 han suandontas firmas sponsurau bials premis (mira scaffa): Coop Svizra orientala; La Posta; Auto da Posta Grischun; pasternaria Caduff Glion.

Susanna Cathomen, casa pervenda, 7144 Vella.

Cordiala gratulaziun ed engraziell a tuts per la participaziun.



Ils victurs

La fotografia dil meins vargau mussava ina part dil vitg Dardin ed igl uclaun Capaul. Ord il mantun da cartas havein nus tratg ils suandonts victurs:

1. premi (bon Coop 50 francs): Elisabeth Pfister, Gartaweg 16A, 7203 Trimmis;
2. premi (biala mappa d'actas La Posta): Guido Tschaler, 7130 Glion;
3. premi (bon pasternaria Caduff):

TUJETSCH

Parcadi da Dieni e center da survetschs a Sedrun

(mc) **Stiarsas sera ha il cussegl da vischnaunca da Tujetsch approbau ina revisiun dalla planisaziun locala pertuccont il parcadi a Dieni e concediu in credit da 50 000 francs per cuntinuar la planisaziun d'in niv center da survetschs el center da Sedrun.** L'Alp-Transit basegna urgentamein novas capacitads da deponer ulteriur material d'excavaziun. En connex cull'intenziun dallas Penticularas da Sedrun da engrondir il parcadi sper la staziun a val a Dieni sedat la pussevividad da realisar leu ina deponia da material ed ereger sin quella ina parcadi terrassau. Il cussegl communal ha approbau la midada dil plan zonal per mauns dalla votaziun alla urna.

La vischnaunca da Tujetsch ha plinau l'intenziun da nezegiar meglier il terren communal el center dil vitg dadens la casa communal. Per quei intent ha la vischnaunca giu instradau ina concorrenza d'ideas che duein ussa vegnir concretisadas en in center communal e da survetschs che duei survir ton all'administraziun communal sco alla organisaziun turistica ed allas penticularas. La vischnaunca ei era interessada da gudignar ulteriurs partenaris per aschia scalfir l'infrastructura necessaria per ulteriurs plazs da lavur ella Val. Il cussegl da vischnaunca ha susteniu quella idea ed ha sbursau in credit da 50 000 francs per ina concorrenza d'architectura.

Raiëtas dalla Val Badia a Vrin

Concert communabel cul Chor mischedau Vrin/Surin

(cp) **Ils 28 d'avrel astga il chor mischedau da Vrin/Surin beneventar il chor da dunnas Raiëta dil Tirol dil sid tier in concert communabel a Vrin.** Quei chor ei separticipaus al festival da chors dil 2005 ed ha fascinau leu cun bialas melodias ladinas. Las 25 cantaduras tgiran surtut il cant tradiziunal ladin.

Il ladin deriva dalla famiglia dil lungatg retoroman. Ils ladins dallas Dolomi-

tas quantan ca. 23 000 persunas e habiteschan entuorn il Pass dil Sella en pliras vals dallas Dolomitas. Ina da quellas ei La Val Badia, nua che las Raiëtas ein da casa.

En vesta da quei brat cultural presenta era il Chor mischedau da Vrin/Surin uonn canzuns tradiziunals romontschas.

Il concert ha liug en casa da scola ed entscheiva allas 20.15. Suenter il concert vegn endrizzau menaschi d'ustria.



Il chor da dunnas Raiëta dil Tirol conta a Vrin.